

11. *Dr. G. 3. 24* Vol 12 - 81 p. 4. L.  
DISSERTATIO JURIDICA,  
*De*

# ADULTERO IMPUNITO,

*Quam*

DEO Adjuvante,

*Sub*

*Ductu & Moderamine*

DN. JOHANNIS  
TESMARI,

JCti & Antecessoris in Alma Cattorum,

*Pro virili publicè defendendam suscipiet*

GEORGIUS Berghoffer /

Alsfeldiâ - Hassus.

*Ad diem Aprilis H. L. 2. S.*

---

*Marburgi Cattorumm,*

Typis IOH. JODOCI KÜRSNERI, Acad. Typogr.

ANNO M. DC. LXXXV.



PATRONIS  
ATQUE  
MATRONIS.



# ADULTER IMPUNITUS,

Sive

*Dissertatio in L. 29. C. de adult.*

Quæ, ita se habet:



*Quæ adulterium commisit, utrum Domina caupona, an ministra fuerit, requiri debebit, & ita obsequio famulata servili, ut plerumq, ipsa intemperantia vina prabuerit: ut si Domina taberna fuerit, non sit à vinculis juris excepta. Si verò potantibus ministerium prabuerit, pro vilitate ejus, qua in reatum deducitur, accusatione exclusa, liberi qui accusantur, abscedant: cum ab his fæminis pudicitia ratio requiratur, qua juris nexibus detinentur, & matris familias nomen obtinent. Ha autem immunes à judiciaria severitate & stupri & adulterii præstentur, quas vita utilitas dignas legum observatione non credidit.*

Multis illa est offendiculo, crediturque quid continere ejusmodi, quod pietati & justitiæ est contrarium; castitatem enim, pudicitiamque, præcipuam Christiani hominis virtutem, non ab omnibus, ut debebat, sed à solis exigere videtur matronis; punireque violationem thoti non semper, sed tunc demum, quando nobilior persona venit in reatum. Cæterum non est, quare quid

A

gravius,

gravius, iniquiusque seu de innocenti hac lege, seu de castissimo ejus auctore statuamus: Constat utriusque sua ratio; namq; & lex sana, salubris & egregia est; & Princeps non everfor, sed conservator pudicitiae; non qui impunitos dimittit adulteros, sed qui graviter, & quod amplius est, *secundum leges divinas*, in eos animadvertit. Ad rem igitur.

Lata illa primum est à Constantino M. postquam ille discussis gentilium tenebris, abjectâque profanitate, fidem & Evangelium fuerat amplexus, anno videlicet instauratae salutis CCCXXVI. aut, secundum fastos Graecorum CCCXXVII. Imperii ejus XX. Constantino A. VII. & Constantino C. IV. Cosl. Ut non inepte mirari videantur illi, qui legem hanc, tanquam incivilem & impiam, tollendam ajunt, ressecandamque ex communi & sacratio eorum ordine, quomodo salvâ pietate, salvâ justitiâ tam insolens regula tradi potuerit; praesertim ab eo Principe; cujus auspiciis habita fuit Synodus Nicæa, quo praesente tam acriter fuit pugnatum adversus gentiles non tantum, sed & hereticos, Donatum, Arium, similesque; & quidem eo tempore, quo doctrina Christi, tanquam castissima virgo, contra furorem & impetum: tot impudicorum procum erat munienda; quo non atrocior tantum illa, & contra naturam ipsam tendentia, sed ea quoque vitia erant reprimenda, quae oculis, quae corde & sola cogitatione, adeoque legibus gentium impunita *l. 19. ff. de pen. committebantur*.

Ait ergo, *que adulterium commisit*, id est datam conjugii fidem violavit, conscendendô thorum, à quo secundum divinas, humanasque leges abstinere debebat. Neque enim hic loci cum Anonimo quodam, qui non

ita:



ita pridem iuit in lucem, disputare prolixius volumus, in quo natura & essentia adulterii consistat; num in sola libidine & intemperantia, prout communis fert opinio; num verò in dislocatione quoque & violenta corporis, animique abstractione ab eo, cui æternam, ut sic dicam, fidem, cui perpetuam promisisti cohabitationem.

Quando autem dicitur, *qua commisit adulterium*, intelligere id non debemus de solis fæminis, exclusis maribus, sed utrumque merito complecti sexum. Quamvis enim vulgari modo loquendi particula *quis, qui*, non masculos tantum, sed & fæminas comprehendat, *l. 1. ff. de verb. signif. l. 3. §. 1. ff. de neg. gest. Cic. in orat. pro Cluent.* contra verò sub vocula *qua*, fæmina tantum plerumque comprehendatur; cum exemplo sit pessimum, teste Jcto in *l. 45. pr. ff. de Legat. 2. l. 81. pr. ff. de Lege 3.* fæminino vocabulo etiam contineri masculos. Secus tamen existimo, & particulam perse & suâ naturâ fæmineam, mares quoque includere, quando de regendis moribus, de compescendis affectibus, imò de pœnis & premiis, uti in hac lege, agitur. Allegari in hanc sententiam solet *l. 3. l. 5. C. de secund. nupt.* ubi pœnæ secundis nuptiis in fæminas constitutæ, ad viros quoque extenduntur. Adde Gaill. 2. Obs. 98. n. 3. Wissenb. ad *l. 1. ff. de V. S. n. 16.* Et quid mirum; æque enim vir, quàm mulier castitatis regulæ est adstrictus; non minus pudicitia ratio ab uno, quàm ab altero sexu requiritur. Hieronymus ad Oceanum de morte Fabiolæ: *Quicquid viris iubetur, hoc consequenter redundat in fæminas, neque enim adultera uxor dimittenda est, & vir mæchus retinendus.* Et paulo post: *Apud nos, quod non licet fæminis, æque non licet viris, & eadem servitus par conditione censetur.*

Pergit Constantinus, & in cognitionem trahendum ante omnia censet, priusquam sententia feratur, utrum adulterii rea *Domina sit cauponæ, vel Cauponia*, uti habet codex Theodosii, *an ministra*.

Ministra cauponæ hic est humilis, abjectaque persona, ministerio seu peregrinantium, seu compotantium in diversoriis publicis vacans : per dominam verò hic intelligi potest seu illa, quæ Domina ejus quidem est, at eam in persona non exercet ; prout multi illustrioris quoque ordinis viri, matronæque Domini quidem, Dominaeque cauponarum sunt, at non earum exercitores : In quam sententiam capio *l. 27. §. 1. ff. de heredit. pet.* ubi dicitur, *in multorum honestorum virorum prædiis exerceri lupanaria* ; quatenus videlicet honesti quidem illi viri Domini sunt prædiorum, at non exercitores : cum alias fieri nequaquam posset, ut quis exerceret in prædio lupanar, & nihilominus maneret vir honestus. Aut etiam ejusmodi quædam, quæ cauponam conduxit, emitque, & eam exercet, non quidē, instar famulæ, vilia quælibet faciens ministeria, sed rei prospiciens œconomica, reje-ctis sordibus in famulos & ancillas. Est enim res cauponaria, qua talis, ex genere permissorum, minimeque gentium pugnat, esse honestam, virtuosamque matronam & vacare usui & recreationi peregrinantium, hospitumque : quippe, si doliet rapinæ absint, nihil aliud sunt hospitia ejusmodi publica, quàm receptaculum hominum egentium, illorumque, qui destituti certa sede, necessariisque ad tolerandam vitam mediis, recreandi omnino sunt. Antiquissimis quidem temporibus cauponæ, sive hospitia ejusmodi in usu, saltem ita uti nunc, minime erant ; sed divertendum in peregrinationibus  
erat

erat vel apud amicum quendam, cum quo hospitii jus intercedebat, vel sub cælo, extraque tecta erat commorandum; prout passim, & imprimis quoque ex historia sacra facile colligitur, vide *Iud. C. 19. v. 15. Gen. 28. 11.* Græcis igitur, politisque ejusmodi gentibus acceptum ferre debemus, quod publicæ cauponæ, in quas divertere fatigatis viatoribus fas est, erectæ sint: sit earum mentio apud *Demosthenem de libertate Rhodiorum*, apud *Ciceronem de officiis 2. 18.* apud *Thucydidem de bello Pelop. 3. p. m. 172.* & plures alios; at cum de cauponis seu hospitiiis ejusmodi publicis brevi mentem nostram plenius simus reddituri, hîc nihil aliud subjungemus, præter unicum hoc, videlicet cum judicio & moderatione capiendum esse, quod ex *Conciliî Laodicensis Can. 24. in distinctionem 14. C. 2.* relatum est, scilicet *non oportere Clericum, ordinisq; Ecclesiastici Viros intrare cauponas seu tabernas*: sunt etenim honestæ quoque tabernæ & admodum necessariæ; nec infamat ingressus in cauponam qua talis, sed mala intentio, perversaque ingrediendi eam ratio.

In summa, pertinet ad officiû judicis, quando de adulterii crimine agitur, ut fideliter inquireat in conditionem personæ, si nem illa ancilla vel domina, libera & sui juris, an potestati alienæ subjecta: imo, & quod mirandum sane est, turpis, vilisque, an honestæ vitæ. Sequitur mox hujus rei ratio, quare in quæstione de adulterio discernenda sit Domina, & ministra cauponæ; videlicet ministram obsequio famulari servili, & plerumque intemperantia vina præbere; hoc verò secus esse in Domina.

Duplex causa, adeoq; duplex ejus examen instituendum. Et primâ quod attinet, *famulari ministrâ obsequio servili*, dico, & quidem non invitâ lege, malè illam facere, quòd famule-

tur, nō dicam servili, sed turpi potius ministerio. Quamvis enim in omnia, quæ sub mensuram humanæ imbecillitatis cadunt, ministerium ancilla debeat hero suo; non opinor tamen eousque hanc extendi necessitatem, ut pudicitiam quoque ei subiceat; quippe peccatum illud involvit, à quo, ut absteineat, lege iubetur divina, quæ omni humano imperio, longe fortior est. Egregie Ictus Alphenus, in l. 20. ff. de obligat. & act. *Servus non in omnibus rebus sine pœna Domino dicto audiens esse solet, sicuti si Dominus hominem occidere, aut furtum alieni facere servum iussisset. Quare quamvis Domini iussu servus piraticam fecisset, iudicium in eum post libertatem reddi oportet.* Et Seneca 3. de benef. 20. *Non omnia aut nos iubere possumus aut in omnia servi parere coguntur: contra Rempublicam imperata non facient, nulli sceleri manus commendabunt.* Et Plinius, lib. 3. Ep. 9. *Necessarium credidi elaborare, ut constaret, ministerium crimen esse.* Adcōque jure civili auxilium promittitur servo, seu ancillæ, contra intolerabiles Dominorum injurias Magistratum invocanti §. 3. l. de hoc qui sui. Facit Seneca 3. de benef. 22. *De injuriis Dominorum in servos, qui audiat, positus est, qui & savitiam & libidinem & in prabendis advictum necessariis avaritiam compescat.* Si itaque servus, ancillaque, in committendis jussu Dominorum delictis non excusantur, quantum minus persona libera, licet famula sit, humilique ministerio dedita

Quantum ad secundum, quod ministra ejusmodi vina præbeat intemperantiæ; respicere legislator videtur ad fragilitatem humanam: ipsa enim illa peccandi facilitas & occasio, ipsa illa cum hominibus libidinosi conversandi necessitas, quæ in ministra cauponæ est, cum ad peccandum vehementer invitet, excusare quædam



dammodo peccantem, & si non tollere, mitigare saltem  
debet panam. Prout enim majori laude est dignus, qui  
in corrupta civitate, & medio lupanari castitatem servat;  
ac ille, qui ductus, tractusque per curas, & disciplinas  
virginum vestalium; cum hunc ars & necessitas, illum  
vero natura ipsa, fidelisque habitus à peccandi licentia  
revocet: ita quoque existimo, leviozem esse transgressio-  
nem illorum, qui continuis peccandi illecebris irritati,  
aliquando impingunt: quàm qui claustris legum, ocu-  
lisque honestorum virorum custoditi, sic, uti volunt, er-  
rare sepe non possunt. Egregie Claudianus in IV. Hon.  
Conf. vers 262.

- - - *Proclivior usque  
In peiora datur; suadetque licentia luxur,  
Illecebris effrena faveat. Tum vivere caste  
Afferius cum prompta Venus. Tum durius ira  
Consultitur, cum pœna patet:*

Et Musladinus in rosatio suo c. 5. Si quis cum puella formo-  
sissima in conclavi solus desideas, fores clausas teneat, rivales  
dormiant, affectus stimulet, atque libido astuet, perinde ut  
Arabs ait, Daëtylus maturuit, neque hortulanus [quo minus  
carpatar] prohibet: Num quid putas, religiosa pietatis consci-  
entia ipsum incorruptum fore? Responder alter: Et si ille à for-  
mosa puella incorruptus manserit, à maledicentium tamen ca-  
lumniis non incorruptus erit. Et Cap. 8. Quà consortium  
habet cum malis, etsi ipsorum ingenium non corruerit, ipso-  
rum tamen consortio corruptus audit: perinde ut quis taber-  
nas frequentans, non [ibi] preces facere, sed vinum potare  
dicitur. Videlicet, ut inquit Euseb. Hist. 2. C. 17. Dissimilis  
propositi hominum contubernia & commercia, multum ob-  
sunt Philosophia: agit autem de Ascetis, seu primæ Ecce-

hominibus piis; qui, ut bonis operibus eo rectius vacarent, ab oculis hominum in hortos & campestria secreta se subtrahebant. Jam verò non potest tantum, sed & debet omnino ad fragilitatem subditorum respicere legislator, minusque exigere ab his, qui infirmi sunt, debilesque & multis expositi periculis, quàm à fortioribus, diligentique custodia circumdatis: equidem ob id rusticitati multa in jure condonantur, quæ alias exiguntur. l. 2. §. 1. ff. si quis in jus vocat. l. 7. §. 4. ff. de jurisd. l. un. C. si quis imperat. maled. Confer. Grotium de I. B. & P. lib. 2. C. 20. n. 31.

Sed ad ipsum totius negotii caput. Sequitur ergo, si Domina tabernæ fuerit, non est à vinculis juris excepta; si verò potantibus ministerium prabuerit, pro vilitate ejus, quæ in reatum deducitur, liberi, qui accusantur, abscedant: ex quibus clare pater, lege Juliâ de adulteriis non humiles, vilesque personas, sed illas tantum teneri, quæ honestioris sunt ordinis. In verbis nihil dubii, quare ad mentem legis

Tenendum igitur est, sic omni jure caveri, ut optemus quisque maxime legibus sit alligatus, & quo quis in eminentiori fastigio positus, eo magis verecundè & cum specte vivere debeat. Qui enim dimissi in obscuram vitam agunt, inquit *Cæsar apud Salust. bell. Catilin. C. 51* quid diliquere, pauci sciunt; fama atque fortuna eorum pares sunt: qui in excelsa ætatem agunt, eorum facta cuncti mortales noverunt, ita in maxima fortuna, minima licentia est. Non recusabit ergo mater familias, quod nomen honoris & dignitatis plenum scimus esse, legem hanc severitatis subire, quam non tantum sibi, sed omnibus scriptam intelligit, qui remoti paulum sunt à plebe & conditione vulgi; l. 5. C. ad. S. C. orfit. tanto magis, quod illa more majorum pudicitiam ac fidelitatem marito

pollicita; quia per bonas artes ducta & enutrita, à primis incunabulis didicit quid turpe, quid honestum, quid fugiendum, quid amplectendum: quia posita in luce & dignitate, peccare nequit absque offensione publica: quia denique justos, verosque liberos debet, non spurios, non suppositos, non immisos ex alieno. Quæ omniâ si scit, si debet ancilla, certè non ad tantam summam debet; adeoque peccans, non erit tam atrociter & severè puni- enda, verùm ut ejusmodi, quæ sine cura & educatione adolevit, quæ virtutum & bonarum artium rudis, sæpe non intelligit vim præceptorum; quæ quasi privatim peccat, nec offendit exemplo mores populi; quæ peccat necessitate quadam, *cum obsequio famulatur servili*; certè, quod negari nequit, quæ non tã ex composito & prameditato, ut mater familias, cui castæ & pudicæ, certè sobriæ esse licet, verum occasione, per intemperantiam, quam libidinum matrem & fontem rectè dixeris. *Aequum autem est*, ait Demosthenes, *his, qui cum divites sint, mali sunt, magis irasci, quam his, quos egestas impellit*. Nam apud humanitate utentes judices, *necessitas aliquid adfert venia, cum si qui rerum affluenti injusti sunt, nihil habeant pretexti probabilis*, ut verissimum sit illud Terentii:

*Duo cum idem faciunt, sæpe potes dicere,  
Hoc licet impune facere huic, illi non licet,  
Non quod dissimilis res sit, sed quod, qui facit.*

Videmus ergo nihil novi habere legem, verùm so- lummodo antiquum hoc, ad personas aptandum esse jus: nisi forte hoc quis velit contra mentem, ententiamque regulæ, à *solis matronis* exigi rationem pudicitia, ancillis verò impune esse, quicquid turpiter & indecore faciunt: Dominas tantum plecti ob adulterium, ministras autem

sine metu versari in libidinibus, & prostituere corpus, nequaquam hoc curante Prætor. Ut enim nihil dicam, quam laboriosè defendantur servitorum corpora ab infami hac dominorum contumelia, commendereturque per universum jus R. pudicitia; ecquis unquam fando audivit, præcepta juris, honestè vivere, alterum non lædere, unicuique suum tribuere, liberis tantum & ingenuis, non etiam servis, ancillis, similibusque ultimæ sortis & fortunæ hominibus esse præscripta? Esto autem solis hic matronis commendari castitatem, reliquas verò humilioris vitæ mulieres extra legis observantiam jacere, & pro lubitu corpus profanare! Esto quod distingui inter civilium & naturalium, seu divinarum legum ordinem, inter jussa Cæsaris & Dei velis! Quemadmodum enim Deus omnibus indistinctè hominibus pudorem, castitatemque præscribit, & sub gravi pœna commendat; lex enim divina non respicit personam, & præceptum de non adulterando tam servos quàm ingenuos tangit. *Quantum ad Dei cultum*, inquit Imperator in N 5. C. 2. *non est masculus, neque femina, neque liber, neque servus*: ita Cæsar frena sæpe laxat, nec æquali custodia omnium promiscuè fæminarum castitatem detinet: Malè an benè? non est hujus loci, cum Respublica, ut conniveatur, sæpe imperet, nec humanarum virium sit, omnes tollere affectus, quælibet eradicare vitia. Hinc igitur est, ut non quælibet in concubinam possit adsumi, sed illa tantum, quæ turpis jam vitæ, humiliorisque conditionis est. *In concubinato*, inquit Marcianus in l. 3. ff. de concub. *potest esse & aliena liberta & ingenuus, & maxime ea, quæ obscuro loco nata est, vel questum corpore fecit, alioquin si honesta virga & ingenuam mulierem in concubinatum habere maluerit,*  
sine



sine testatione hoc manifestum faciente, non conceditur: sed  
 necesse est ei, vel uxorem eam habere, vel hoc recusantem, stu-  
 prum cum ea committere. Hinc quoque est, quod profiteri  
 lenocinium, ingredi in scenam, exercere artem ludicā  
 quæstus gratiā non omnibus permittatur fæminis, sed  
 vilioribus tantum; additā severiori comminatione, si  
 quæ in fraudem legis, vilitatem, humilitatemq; simulat.  
*Facis l. 10. §. 2. ff. ad l. Iul. de adul.* Mulier qua evitanda pœna  
 adulterii gratia lenocinium fecerit, aut operas suas in scenam  
 locarit, adulterii accusari, damnariq; ex senatus consulto potest.  
 Quam legem sic egregiè illustrat Suetonius in vita Tibe-  
 rii C. 35. *Famina famosa, ut ad evitandas legum pœnas jure*  
*ac dignitate matronali exsolverentur, lenocinium profiteri*  
*caperant, & ex juventute utriusque ordinis profligatissimus*  
*quisque, quo minus in opera scena arenaque edenda senatus*  
*consulto tenerentur, famosi judicii notam sponte subibant, eos*  
*casque, ne quod refugium in tali fraude cuiquam esset, exsilio*  
*affecit.* Apud Athenienses extra legis pœnam erat mu-  
 lier in taberna sedens & in foro res venales exponens;  
 veluti post Brissonium refert *Ant. Matth. ad lib. 1. 38. tit. 3.*  
*C. 1. n. 5.* Plura ejusmodi possent addi, nisi hæc sufficerent.  
 Excipis, civitatem hæc Romanam sapere & ab usu apud  
 nos recessisse! Minimè gentium; nam & hodie in quæ-  
 stione stupri & adulterii inquirendum omnino esse cen-  
 sco in qualitate personarum, nec habendam pro adul-  
 tera vilem, inhonestam, corpusque prostituere consue-  
 tam fæminam. *Viri*, inquit Lactantius de falsa sapientia  
*C. 21 qui multas mulieres habent; nihil aliud dici possunt,*  
*quàm luxuriosi ac ne potes. Item mulieres, quæ à multis haben-*  
*tur, non utique adultera, quia certum matrimonium nullum*  
*est; sed prostituta ac meretrices sint necesse est.* Apud Cra-  
 vet-

*vettam Conf. 166.* proluxius disputatur, non committi stuprum cum puella vel vidua humilis & abjectæ conditionis; natosque ex tali coitu non esse spurios, sed capaces juris communis, maximè quoad materiam successionis. Speciem aliquam juris hæc habent: num verò extendi ad alia quoque, & statui cum *Iulio Claro in §. homicidium n. 56.* cum foemina bannita adulterium impune committi? quemadmodum cum uxore tyranni, ex sententia *Michaëlis Epheſii*, & praxi Troglodytarum, apud *Strabonem lib. 16. & Diodorum lib. 4. C. 4.* aut generaliter cum Judæis possit, negantibus matrimonium esse inter civem & peregrinam, adeoque nec committi adulterium, de hoc merito dubitamus cum *Grotio de I. B. & P. lib. 3. C. 19. n. 2.*

Equidem cum multis aliis, tum imprimis commo-  
rum fuisse legislatorem ad ferendum tam severas de  
adulterio sanctiones, ut familiarum splendor, dignitasq;  
adeoque salus totius civitatis eo rectius conservaretur.  
Sic enim comparatum est, ut familiæ sine civitate & con-  
tra civitas sine familiis consistere nequeant; una alteri  
porrigit manum, præstat auxilium. Videatur *Cicero 1. off. 17. Cacheran. D. 100. Mer. Consil. 81. n. 16.* Jam verò constat,  
homines viles, plebejosque vel plane nullam, vel ejus-  
modi habere familiam, quæ parum vel nihil ad Reipu-  
blicæ salutem confert; cum è contra una sæpe hone-  
stior, nobiliorq; domus tales producat viros, qui Rem-  
publ. plane sustinent & ab interitu vindicant. Cum *Epami-  
nonda*, inquit *Justinus lib. 6. C. 8.* vires quoque Reipublica  
cecidere. Et lib 19. 1. Cum duce vires panarum ceciderunt.  
Columen patriæ, canit chorus apud Tragicum in Troadib.  
v. 124. mora fateorum; Tu presidium Phrygibus fassis, Tu  
murus eras, humerisque Tuis stetit illa decem sulca per annos:

*Tecum*

*Tecum cecidis, summusque dies Hectoris idem patriæque fuit.*  
*Apud Tacitum An. 2, C. 37. Hortalus, majores mei merue-*  
*runt, ut posteros haberent. Apud Senecam Pat. 4. contr. 24.*  
*Cimon Atheniensis: ita mihi veros habere liberos contin-*  
*gat. Quod quantum sit, Miltiades expertus: videlicet ut*  
*patri honesta contingeret sepultura, filius vicaria in se*  
*susceperat vincula.*

Cæterum si res in salvo necdum est, superest  
 enim adhuc, an legibus adultærii viles, abjectæque  
 personæ, quales sunt, quæ potantibus præbent ministe-  
 rium, haud teneantur? ut enim familiarum conservan-  
 darum ratio moverit legislatorem, ad compescendum  
 imprimis homines honestos; hinc tamen sequi non pot-  
 est, ergo ad viliores legum cura & observatio non perti-  
 net. Solent enim leges generaliter, omnibusque ferri  
 civibus, non uni & alteri ordini, imprimis quando agitur  
 de compescendis vitiis. *l. 1. 2. ff. d. L. L.* Equidem diffiteri  
 non possumus, quia hæc vera sit & genuina legis senten-  
 tia; videlicet non viles, sed solos honestos homines lege  
 Julia comprehendendi. Textus tam clarus est, ut nullam  
 admittat dubitationem; & si locus illi esset, tolli conti-  
 nuo per similes leges possit. *Quæ stupro tibi cognita est,*  
*inquit Diocletianus in l. 22. C. de adult. & passim venalem*  
*formam exhibuit, ac prostitutam meretricio more se præbuit;*  
*in ea adulterii crimen cessat. Et l. 23. pr. d. t. Servi ob viola-*  
*tum contubernium adulterii crimine accusari non possunt. Et*  
*Papianus in l. 6. ff. de adult. inter liberas tantum personas,*  
*adulterium, stuprumve passas, lex julia locum habet: quod ad*  
*servos attinet, legis Aquilia actio & injuriarum compertit. &*  
*Cicero pro Cælio n. 16. Quid esset, in quo se non facile de-*  
*fenderet? Nihil jam in istam mulierem dico: sed si esset aliqua*  
*dissimilis istius, quæ se omnibus pervulgaret, quæ haberet palam*

decretum semper aliquem, cuius in hortos, domum, bajus jure suo libidines omnium commearent; qua etiam aleret adolescentes, & parsimoniam Patrum, suis sumptibus sustentaret: si vidua libere, prater va petulanter, dives effuse, libidinosa meretricio more viveret, adulterum ergo putarem, si quis hanc paulo liberius salutasset?

Quare sic breviter statuo, verum & propriè dictum adulterium tam cum vili, abjectaque, quam cum nobili & honesta committi persona, at lege civili actionem adulterii tantum concedi ratione posterioris, non verò prioris. Statuere quid ejusmodi me jubet unicum illud & immobile fundamentum, adulterium naturale non civile esse crimen. l. 42. ff. de V. S. adeoque non tam ex lege civili, quàm naturali metiendum; Hoc vero inter servos & liberos, humiles & summos, viles & egregios nullam facit differentiam, omnes sub eodem premit jugo, ab omnibus eandem corporis, animiq; requirit castitatem. *Non soli Atride uxores suas amant*, ex Homero refert *Ulpianus* l. 13. §. 1. ff. de adult: nec soli nobiles et egregii, sed et illi, quos iniquior tors ad vilia abjecit ministeria, purum, castumque exoptant thorum, imo sæpe præ aliis adipiscuntur. Egregie *Juvenalis* satyr. 6. v. 287.

*Præstabat castas humilis fortuna Latinas  
Quondam, nec vitii contingi parva sinebant  
Tæta labor, somnique breves, et vellere Tusco  
Vexata, duraque manus, ac proximus urbi  
Hannibal, & stantes collina turre mariti.  
Nunc patimur longe pacis mala: se vios armis  
Luxuria incubuit, victumque ulciscitur orbem.  
Nullum crimen abest, facinusque libidinis, ex quo  
Paupertas Romana perit:*

Quare in hoc totius negotii vertitur cardo, an legislator sic eximere legum rigori et excludere ab actione ob-



commisſum adulterium potuerit adulterium cum vili, humilique perſona commisſum? Si enim, prout peccatum ipſum, ita pœna quoque ejus moralis eſt, ſane non paterit: neque enim ulli mortalium pœnam e.g. homicidii, ſimilesque, cum moralis ſit, et à Deo optimo Maximo injuncta, mutare pro arbitrio, et eximere quosdam ab actione legis Cornelie, quosdam vero illi ſubmittere licebit. Dum igitur mutat legiſlator, nec eam præciſe diſtat pœnam, quæ tabulis divinis eſt expreſſa, ſed pro variis circumſtantiis modo hoc, modo illud in emendationem imperat adulteris; vel dicendum eſt, male agere Imperantes et negligere metam juſti, rectique, quod tamen minime vellem; vel conſitendum, arbitrarias eſſe adulterii pœnas, & poſſe Chriſtianum Principem in uno levius, in altero atrocius adulterium vindicare; aut ut inter terminis noſtræ legis maneamus, honeſtas, egregiasque perſonas ſubjicere quidem legibus Julie de adulteriis, viles verò ab illis eximere. Et quid mirum? Ipſe enim Deus O. M. adulterii crimen, quod naturaliter quoscuq; homines eodem obligare diximus modo, non tamen pari ſeveritate punit, ſed reſpectu utitur perſonarum. *Cum quis cubaverit cum ulla, legimus Lev: 19. v. 20. ſeminis concubitu, quæ ſit ancilla, deſpecta, alii, & ferè Orientales omnes, deſponſata; ipſi Judæi Hiſpanienſes, ſi ſerva deſpoſada à varon vertunt. Cuique, ut quæ omnino non redimitur, aut libertas non data illi; flagellatio adhibitor, ne morte afficiuntor; Poſtquã paulo ante adulteros morte afficiendos eſſe ſanciverat. Ecce unum, idemque adulterii crimen, aliter in ſervo, aliter in libero homine punitum.*

Scimus cum legibus naturæ ita comparatum eſſe, ut poſthabito omni perſonarum reſpectu, omnes pari jure adſtringant, adeoque nihil amplius  
Regi,

Regi, quàm infimo colono, permittant. Quare videmus æque capitis reum esse, qui mendicum & abjectissimæ conditionis hominē interfecit, quàm qui Principis vitæ insidiatur; Patricium qui injuriosa verba in Majestatem divinam profert, æque blasphemum esse, quàm hominem proletarium; Consulem ac Senatorem R. non minus honorem ac reverentiam exhibere debere parentibus, quàm qui est ex ultima plebe. Quin vel maximè in rebus conjugii hanc æqualitatē obtinere videmus, commendarique omnibus verecundiam, quā homo à belluis distingui debet, *lex julia de adulteriis*, inquit Sextus Cæcilius apud Ulpianum in l. 13. §. 1. ff. de adult: *ad omnia matrimonia pertinet*, & Pontifex in Causi: 29 q. 2. C. 1. & 2. *Quoniam nobis unus est pater in cælis, & unusquisque dives & pauper, liber et servus, aqualiter pro animabus eorum rationē reddituri sunt.* Quapropter omnes cujuscunque conditionis sint, unam legem, [quantum ad Deum] habere non dubitamus. Si autem omnes unam legem habent, ergo sicut ingenuus dimitti non potest, sic nec servus semel conjugio copulatus ulterius dimitti poterit. Si quis liber ancillam in matrimonium acceperit, non habet licentiam dimittere eam, si consensu amborum conjuncti sunt, exceptā causā fornicationis: sed una lex deinceps erit per omnia et viro et fæmina: ut merito, necio quid, redolere videatur illa lex, quæ ob commixtionem sanguinis aliam pœnam servo, quàm liberæ personæ infligendam jubet: quasi, remotis cautionibus juris civilis, non æque constaret matrimonium inter servum & ancillam, aliasque vilissimas personas, quàm inter cives & honesto loco natos. Facit Causi: 29. q. 2. C. 3. *Si quis ancillam suam libertate donaverit, & in matrimonium sibi sociaverit, dubitatur apud quosdam, utrum hujusmodi nuptiæ legitimæ esse*

esse videantur, an non. Nos itaque vetustam ambiguitatem decedentes, talia connubia legitima esse censemus. Si enim ex affectu fiunt omnes nuptia, & nihil impium, & legibus contrarium in tali copulatione fieri potest, quare prædictas nuptias inhibendas existimemus? Adde Grot. de I. B. & P. lib. 2. C. 5. n. 15. Nec est, ut objiciat mihi quisquam, de vacua forsitan, non de nuptia, seu desponsata ancilla textum hunc esse capiendum; quandoquidē Oleaster & alii nubili vel maturæ puellæ, non vero desponsatæ verba ea applicant. Præterquam enim, quod plerique alii legum, vorumque divinarum interpretes ab hac sententia recedant, capiantque verba de puella desponsata, seu addicta viro, nulla quoque subest ratio, quare Deus O. M. mortis hic supplicium prohiberet infligi, cum jam ante id lege expressâ cavisset. Exod: 22. v. 16. Confer Anton: Matth: de Crimin: lib: 48. tit: 9. C. 1. n. 5.

Multominus adhuc commovet, quod Judæi & impiis Marmonides, ad locum hunc excipit, videlicet ancillarum nuptias, non plane esse nuptias, nec sponsalia plane esse sponsalia; quippe jam monitum est, quoad matrimonii essentiam, nullum inter liberos, servilesque personarum haberi discrimen, sed utrorumque conjunctionem <sup>per</sup> nomen à patribus primæ Ecclesiæ exprimi.

Quin tanti quoque facio quod ex Gemara Babylonica ad tit. Gittin: C. 7. fol. 43 adduci solet, scilicet ancillam hanc, de qua sermo hic est, ejusmodi quam esse, quæ nec plenam adhuc nacta est libertatem, nec desponsata plenè, perfectèque alicui est. Conjecturæ sunt, contra mentem sacrarum literarum, totiusque orientis consensum & auctoritatem tendentes. Seld. de J. Gent: & Nat: lib 5. C. 12.

Dicemus ergo legem hanc, ratione pœnæ, non simpliciter

C

citer

citer moralem esse & necessariam, sed habere quid admixti ex politia Hebræorum, adeoque Magistratum non obligare in conscientia, ad adulteros morte præcisè prosequendos, sed civiliter tantum, id est, quatenus ad exemplum legis divinæ, pœna adulterii, secundum commodam Reipublicæ, usq; ad ultimum supplicium extendi possit? Sane videmus apud primæ Ecclesiæ Patres, aliam, quàm mortis, sanciri pœnam, C. 10. & 11. dist. 81. & C. 9. D. 28. & in reliquis delictis non æque ignoscit lex, quando fratrem, qui est in servitute, occido? Dico fratrem, nam adulterium quoq; illud, quod ita leviter puniri diximus, cum Hebræa serviente, aut cum profelyta saltem justitiæ aut domicilii erat committendum, quandoquidem pollutio sanguinis cum extranea & gentili gravi pœnâ vindicabatur. V. Deut. 7. v. 3. & confer Seldenum de I. N. lib. 5. C. 12. ubi disputat, an prohibitio illa ad omnes omnino gentes, aut ad septem maledictas tantum extendi debeat. Sed pergit Imperator, & hujus quoque asserti dat causam, videlicet, *ab his tantum feminis pudicitia ratione postulari, quæ juris nexibus detinentur; quas verò vitæ vilitas dignas legum observatione non credit, immunes esse à severitate stupri & adulterii.* Dura equidem primâ fronte oratio. Quippe non ab omnibus pudicitiam præcipuum matronarum decus requiri & exigi audio, nec omnes esse dignas legum, magistratusque curâ, quin animadvertito quoque, durius adstringi, coarctarique matresfamilias, quam ancillas, nobiles, honestasque, quàm vile abjectasque personas. Quatenus durius alligentur matronæ quàm humiles fœminæ, de hoc actum est. Quæ verò sibi vult, indignas quasdam esse legum observatione? Repugnare enim id videtur naturæ & conditioni legum



legum tam civilium, quàm naturalium: quippe lex dicitur communis Reipublicæ sponſio, cui omnes obtemperare debent. l. i. l. 2. ff. de LL. Si ergo omnes, ergo non aliqui, ergo non ingenui & nobiles tantùm. Et qua ratio foret, quosdam tantùm velle regere & coërcere, ut honestè, decoreque vivant, quosdam verò negligere, adeoque ad omnem licentiam & libidinem invitare? Sic igitur digni, indigniq; dicuntur, quatenus unius præ altero cura magis, minusve habetur; quatenus hic illo fortius ad virtutem, bonumque opus compellitur: ad exemplũ optimi, prudentiſſimique Patris qui plus indulgere ſervis, quàm liberis, duriusque coërcere ſobolem conſuevit, quàm vernos: aut ad inſtar boni Imperatoris, qui veterano imperare plus ſolet, quàm lixarum, colonumque ignobili turbæ. Eleganter Seneca de providentia C. i. *Inter bonos viros ac Deum amicitia eſt, conciliante virtute, amicitiam dico? Imo etiam neceſſitudo & ſimilitudo: quoniam quidem bonus ipſe tempore tantum à Deo differt, diſcipulus ejus, æmulatorque & vera progenies: quem parens ille magnificus, virtutum non lenis exactor, ſicut ſeveri patres, durius educat. Itaque cum videris bonos viros acceptosq; diis, laborare ſudare, per arduum eſcendere, malos autem laſciuire, & voluptatibus fluere: cogita filiorum nos modèſtia delectari, vernularum licentia: illos diſciplina triſtiori contineri, horum ali audaciam. Idem tibi de Deo liqueat, bonum virum in deliciis non habet: experitur, indurat, ſibi illum præparat. & C. 4. In caſtris quoque periculosa fortiffimis imperantur & dux lectiſſimos mittit, qui nocturnis hoſtes aggrediantur inſidiis, aut explorent iter, aut præſidium loco dejiciunt. Hanc rationem Dii ſequuntur in bonis viris, quàm in diſcipulis ſuis præceptores, qui plus laboris ab his exigunt, in quibus certior*

*spes est.* Hisce igitur omnibus sic positis, unum adhuc, quod ex lege hac liquidissima fluit, addimus, videlicet accidere nonnunquam, ut Principi contra communem juris regulam liceat minus, quàm privato, ut homo ingenuus & nobilis arctius, quàm vilis & abjectus sit inclusus, constrictusque. Quamvis enim non raro Principes, virique magni prærogativam aliquam habere, nec rigori legum sic subjecti esse soleant, ut privati, plebejque; *Eximus*, inquit Quintilianus D. 4. *Per magnorum operum reverentiam à necessitate parendi, & magna nobis de virtutum favore libertas venit.* Et Florus lib. 1. C. 3. *citaverè leges nefas, sed abstulit virtus parricidam & facinus infra gloriam fuit:* Et Cicero pro Flacco h. 39. *M. Aquilium Patres nostri multis avaritiæ criminibus, testimoniisque convictum, quia cum fugitivis fortiter bellum gesserat, judicio libera verunt. Consulego nuper defendi C. Pisonem: qui quia consul fortis & constans fuerat, incolumis est Reipublicæ servatus.* Videatur l. 3. §. 12. l. 5. prin. & §. 6. ff. de re milit. Contra accideretamen quoque & nullam eos habere prærogativam videmus, imo quod magis est, ut vilis, innobis que majori licentiâ, quam quisquam alius fruatur, non raro animadvertimus. Testis est hæc lex nostra. Testis est omnis sapientum turba.

Evenit vero id diversis modis: ante omnia autè si quid scientes, volentesque, contra sanam mentem, certamque rationem committimus; imbuti notitiâ aliter agendum, aliter vivendum; verbo, quando contra illuminatam conscientiam delinquimus. Cui secundum est, quando circa hæc peccamus, quæ dignitatem nostram concernunt, aut malitiose negligimus hæc, quæ aditum nobis & viam straverunt ad honores dignitatesque, vel ut Alexander

der ad Abdolonymum, ap. Curt. 4. 1. *propter quod regnū accipimus*. Porro cum delinquimus prætextu, colore, & velamento dignitatis: deniq; cum cumulati ante alios honoribus ac beneficiis, abutentes illis peccamus, nocemusq;.

Ordinur ergo ab illis, qui optimis literis, omnique rerum notitiâ sunt imbuti: si enim ejusmodi contra artem & scientiam, quam profitentur, quid committunt; aut postquam satis clare sunt illuminati, nihilominus vitiis se inquinant, quis est, qui eis ignoscet? quis est qui non singulari eos pœnâ afficiendos putabit? Ecquid aliter volunt verba hæc minantia Salvatoris: apud *Matt. 11. 20. Tunc capit cum probris increpare civitates, in quibus edita fuerant plurimæ virtutes ejus, quod non resipuissent, dicens: Vae tibi Chorazin vae tibi Bethsaida: nam si Tyri & Sidone edita fuissent virtutes, quæ edita sunt apud vos, olim cum sacco & cinere sedentes, resipuissent. Quin etiam dico vobis, Tyro & Sidoni tolerabilior erit conditio in die judicij, quam vestra. Quare etiam servus, qui scit voluntatem domini, eamque negl git, duplicatis verberibus castigatur, Luc. 12. v. 47. 48 milesque, ut peritus rei militaris, atrocius punitur Tyro-ne & novitio. l. 14. §. 1. ff. de re milit. Ita enim comparatum profecto est, omnium ora, omnium oculi in illos defiguntur, quos præ reliquis præstare virtute & scientiâ putamus: itaque cum summa omnia & egregia ab ipsis merito speramus, si parum deflexerint, nec per omnia opinioni satisfecerint, etiam si mediocria faciant, & in alis laudanda, vituperantur tamen & corripiuntur. Probe hoc sibi applicat Cicero, *pr. pro Rosc. Amer.* adhuc juvenis. Ego, inquit, etiam si omnia, quæ dicenda sunt, libere dixero, nequaquam tamen oratio mea similiter exire, atque in vulgus emanare, poterit. Caterorum enim neque dictum obscurum esse*

C 3

potest,

*potest, propter nobilitatem & amplitudinem, neque temere di-  
cto concedi propter aetatem & prudentiam: Ego si quid li-  
berius dixerō, vel occultum esse propterea, quod nondum ad  
Remp. accessi, vel ignosci adolescentia mea poterit. Nec dis-  
sentit Tiberius apud Tacit. Annal. 3. 53. Mihi neque hone-  
stum silere, neque proloqui expeditum: quia non Aedilis, aut  
Prætoris, aut Consulis partes sustineo: majus aliquid & excel-  
sius à Principe postulatur.*

Idem fere statuendum de illis, qui neglecta digni-  
tate, in qua constituti sunt, vitiis vulgaribus se contami-  
nant. Cum enim illi, quos judicium fortunæ & publicus  
favor, supra cæteros mortales evexit, quasi norma &  
exemplum esse debeant, secundum quod inferiores vi-  
tam instituunt ac mores componant, adeoque peccare  
quasi privatim & remotâ offensione populi non possint:  
quis indignabitur illorum peccata acrioribus pœnis sub-  
jici, cum & magis pateant, sintque in aperto, & facile al-  
liciant interiores ad imitandum. *Quemadmodum enim,  
ait Plutarchus, in facie lens & verruca molestiores sunt, quam  
reliqua corporis macula, mutilationes & cicatrices; sic exigua  
peccata, ubi in vita Principis cernuntur, pro magnis haben-  
tur. Hinc Cicero pro Cluent. 40. Ignobilis procedit sæpe  
longius cum suis vitiis, quam ille, qui est nobilissimus. Ut  
Quintius, si fuisset homo nobilis, quis illum cum ea superbia  
atque intolerantia ferre potuisset? quod eo loco fuit, is a tuler-  
unt, ut, si quid haberet à Natura boni, prodesse ei putarent  
oportere; superbiam autem, atque arrogantiam ejus deriden-  
dam magis putarent, propter humilitatem hominis, quam per-  
timefendam. & i. verr. n 8. Vos, quid ad famam vestrâ  
existimationemque, judices, pertinet, perspicite atq; consi-  
derate. Splendor vester facit, ut peccare sine summo Republ. detri-  
mento*



*nento & periculo non possitis. Præclare in primis Isidorus:  
 Quanto splendoris honore celsior quisque est, tanto, si deliquit,  
 peccato major est. Tanto enim majus cognoscitur esse pecca-  
 rum, quanto major est, qui peccat: crescit enim delicti cumu-  
 lus, juxta ordinem meritorum, & sæpe quod minoribus igno-  
 scitur, majoribus imputatur: Nihil aliud vult Poet. Juv. lat. 8.*

*Quod se precipitem rapit ambitus atque libido,*

*Incipit ipsorum contra te stare parentum*

*Nobilitas, claramq; facem præferre pudendis.*

*Omne animi vitium tanto conspectus in se*

*Crimen habet, quanto major qui peccat habetur.*

Extat oratio Thebanorum contra Platæenses apud  
 Thucydidem lib 3. Neque vero prisca eorum decora, si qua  
 extiterunt, audientes vos frangant: qua injuriam quidem  
 patientibus debent esse præsidio, us vero, qui aliquid turpitu-  
 dinis admiserunt, duplicare supplicium: quoniam nulla ratio-  
 nabili Causa peccaverunt. Scitè Chrysostomus 4. de prov.  
 Vbi divitem videris injustum, avarum, rapacem; hoc magis  
 eum miserrere, quod talia dives faciat: ob id ipsum enim punie-  
 tur gravius. Nec ignoravit hoc Marius apud Sallustium,  
 in invektiva illa in Nobilitatem: Majores suos extollunt &  
 eorum fortia facta memorando clariores se se putant, quod con-  
 tra est: nam quanto vita eorum præclarior, tanto horum so-  
 cordia flagitiosior, & profecto ita se res habet: Majorum glo-  
 riæ posteris lumen est, neque bona, neque male in occulto pari-  
 tur. Nam ut ait Plin paneg. ad Traj. Hoc primum habet  
 magna fortuna, quod nihil tectum, nihil occultum esse patia-  
 tur. Principum verò non modo domus, sed cubicula intimosq;  
 recessus recludis, omniaque noscenda fama proponis & expli-  
 et. Verissimum igitur est, in maxima fortuna, minimam  
 esse licentiam; adeoque ut crimina augentur, ita & pec-  
 am augeri ex dignitate peccantium. Hinc nulli quidem  
 fidem

fidem frangere licet, multo minus vero Principi. *Tirap. de nobil. C. 20. n. 24. Menoch Conf. 58. n. 1.* Hinc sine dubio est, quod vestales stupro maculatæ, vivæ apud Romanos sepeliebantur, quod sacerdotis filiæ, quæ scortatæ erant, igne comburebantur apud Judæos, reliquis meretricibus longe mitiorem pœnam sustinentibus *Lev. 21. 9.* Queritur de eo Nêro apud Senecam in *Octav. Act. 2. scen. 1. et.*

*Prohibeor unus facere, quod cunctis licet,*

sapienter respondente præceptore ejus:

*Majora populus semper à summo exigit.*

Maxime autem abominabiles sunt illi, qui sub prætextu & velamento dignitatis, sanctitatisque in vitia ruunt, perpetrantque peccata sub titulo pietatis. Hi enim homines, cum ludibrio habent religionem, cōtemnunt magistratum, spernunt leges, tum occulta quadam vi nocent, instillantque venenum, priusquam illud sentias; tanto majori periculo, quia nescis eos peccare, adeoque vix caves ab ejusmodi secreto malo. Ejusmodi pestem merito ante reliquos morbos horremus: Quare etiam gravioribus pœnis talis malitia alligatur. Cicero in *Catilinam*: *fuit ista quondam in hac Republ. virtus, ut viri fortes acrioribus suppliciis civem perniciosum, quam acerbissimum hostem coercerent.* Quare clericos peccantes majori supplicio dignos putat *Valentianianus tit. 5 LL. Novellarum.* *Vehementius enim coercendus est, quem peccasse mireris: scilicet omne gravius facit claritudo personæ.* Intolerandum, nimis execrabile, non ferendum, induere nomen & titulum sanctitatis & abundare criminibus: Itaque quanto ipsum altius in sublime evehimus, si probe se ferat, tanto rursum gravioribus percellemus pœnis, si quid contra leges deliquerit. *N. 26. C. 3.* Recte igitur *Flaminius Prætor*, ut abusus potestate sibi

sibi concessâ, majestatis reus accusatur. *Apud Sen. contr. 25.* rogatus enim à meretrice, cum inter Cænam occiderat, adeoque luserat Romani Imperii terrore. *Eruditè Florus. lib. 3. 21.* a quore animo utcumque ferrem, si plebei Duces, aut si nobiles, malis saltem, ducatum sceleri prabuisent: jam vero, profacinus! qui viri! qui Imperatores! decora & ornamenta seculi sui Marius & Sylla, pessimo facinori etiam suam dignitatem prabuerunt &c. Et acute arguit Alexander Philotam apud. *Curt. 6. 7.* Quo propiore gradu amicitia me contingis, hoc majus est dissimulationis tua facinus. Et Licas apud *Petronium*: quod invidiam facis nobis, ingenuos honestosq. clamando, vide ne deteriorem facias confidentiâ causam. *At amici fuerunt mei? eo majora meruerunt supplicia.* Nam qui ignotos ladis, latro appellatur: qui amicos, paulo minus quam parricida. Hinc sapienter Cautum à Theodosio, l. 8. C. de *Episcop. clericos in testimonio dicendo esse audiendos, ut tamen salva maneat litigatoribus actio falsi, si præsbyteri, hoc ipso, quod nihil metuant, vera suppresserint.* Multo magis enim pœnâ digni sunt, quibus cum plurimum honoris per nostram jussionem delatum est, occulto inveniuntur in crimine.

De illis, qui immemores sunt beneficiorum, plena videmus sapientum monumenta. *Et si enim nulla lex posita sit ingrato, tanquam natura ipsa de hoc satis cavisset, ut est eleganter apud Senecam 4. de benef. 17.* Merito tamen vehementius puniuntur, ac illi, in quos parum est collatum. Plena majestatis est oratio Nathanis, qua Regi suo magnitudinem delicti exponit *2. Sam. 11.* *Ait Ichova, ego unxi te in Regem, ego te cripui è manu Saulis, præterea tradidi tibi domum dominorum tuorum, tradidi tibi domum Israelis & Iuda, & si parum est, additurus fui hac & alia* Quare ergo sprevisisti verbum Domini? In eandem fere sententiam Alexander apud Curtium *lib. 6.* Quanto majorem, inquit

*in animis vestris, motum excitabo, cum tanti sceleris auctores ostendero? Parmenio illa aetate, tot meis, tot parentis mei meritis devinctus, omnium nobis amicorum vetustissimus, Ducem tanto sceleri se præbet. Pergit: Pater Mediae præest: ipse apud nulos Copiarum Duces, meis præpotens viribus, majora, quam capit, sperat. Et paulo post, Philotam equitatus, optimæ exercitus parti, principibus nobilissima juventutis, unum præfeci: salutem, spem, victoriam meam, fidei ejus, tutelæque commisi: patrem in idem vestigium, in quo me ipsi posuistis, admovi. Mediam, quâ nulla opulentior regio est, tot civium, sociorumque millia, Imperio ejus, ditionique subjeci. Quare cum judicio intelligendus Seneca 2. benef. 10. Erunt homicida, tyranni, fures, adulteri, raptores, sacrilegi, proditores: infra ista omnia ingratus est: hoc tu cave, tanquam maximû crimen, ne admittas: ignosce, tanquam levissimo, si admissum est.*

Restat ergo nunc, quod est ultimum instituti nostri, quomodo humilis & abjecta vita aut exculat à crimine, aut certe mitigat aliquando pœnas. Cujus quidem tota ratio ex præcedentibus dependet. Ut enim jure optimo multa ab eo repetuntur, in quem multa sunt collata; ita certe majori umbra libertatis, aut licentiæ potius, frui debet, nec tam exacte observari, ad quem minor rerum cognitio pervenit. Usu hoc continue observari videmus. Incedat rusticus ebrius, clamore, vociferatione, tumultu omnia per vicos misceat; ridebitur & vix pauci erunt, qui hanc hominis insaniam ægrè ferent: at ubi in similem dementiam inciderit civis & ejusmodi, qui in honore & dignitate est constitutus, quam multos idem factum, sed à dissimili persona, offendet: quam prope erunt censores, & præfecti bonis moribus? Quare licent quædam, aut certe non subiacent legum rigori, quæ personâ, tempore, & loco mutato non licent. *Licet Flaminio ire in lupanar,*  
inquit



inquit Seneca contr. 25. *si pracedentibus fascibus Prator illuc ducetur, Majestatem lades. Licet mihi privato, quã veste velim, uti: si prator jus in veste servili dixerò, violavero Majestatem.* Sic in jus vocati, si non iverint, graviter puniuntur, nisi quod sæpe numero rusticitati hominis parcendum l. 2. ff. *si quis in jus vocatus non iveris.* Quod eleganter in graviore negotio inculcatum ab Imperatoribus Theodosio, Arcadio & Honorio l. 1. §. ff. de edendo l. un. C. *si quis Imperi. maled. si quis modestia nescius & pudoris ignarus, improbo, petulantique maledicto, nomina nostra credideris laceßenda, eum pœna nolumus subjugari, neque durum aliquod aut asperum volumus sustinere: Quoniam si id ex levitate processerit, contemnendum, si ex insania, miseratione dignissimum, si ab injuria, remittendum. Vnde integris omnibus hoc ad nostram scientiam referatur, ut ex personis hominum dicta pensemus.*

Multa igitur licent servo, aut infimæ sortis homini, quæ cum rigore observabuntur in viro nobili aut patricio: Multa aut impunita plene sunt, aut saltem prætereuntur, quæ leves fœminæ, & ejusmodi, quæ pudicitiam in propatulo habent, committunt, quibus matronæ ac Illustri fœminæ æterna macula inuritur. Multa permittuntur homini obscuro & privato, quibus abstinere debet, qui in honore & magistratu politus est. *Quando meretrici datur, inquit Ulpian. l. 4. §. 3. ff. de cond. ob turp. C. repeti non potest: sed novâ ratione, non eâ, quod utriusque turpitudine versatur, sed solius dantis. Illam enim turpiter facere quod sit meretrix, no. turpiter accipere, cum sit meretrix.*

Præclare olim ac sapienter antiquitas cavuit, ne donationes fierent inter conjuges, verentes, ne mutuo amore invicem spoliarentur, donationibus non temperantes, nec esset iis studium liberos potius procreandi,

cum sæpe futurum, ut matrimonia discuterentur, si non donaretis, qui posset; atque earatione eveniret, ut venalitia essent matrimonia. De qua re eleganter Ulpianus l. 3. pr. ff. de donat. inter virum & uxor. *Majores nostri, inquit, inter virum & uxorem donationes prohibuerunt, amore honestum solis animus aestimantes, fama etiam conjunctorum consulentes, ne concordia pretio conciliari videretur, neve melior in paupertatem incideret, deterior ditior fieret.* Scire autem libet, quinam isti sunt, qui tam morosæ, at salubri legi, alligantur? illi nimirum, referente eodem Ulpiano d. l. 3 §. 1. *quorum matrimonium moribus, legibusq; Romanis constat: si enim impedimentum aliquod interveniat, ne sit omnino matrimonium, donatio valebit.* Ergo si senatoris filia libertino, contra S. Consultum nupserit, vel provincialis mulier ei, qui ibi meret; vel si in concubinam fuero liberalis, valebit donatio, nihil impediet lex, rata erunt omnia; ob nullam rationem, quam quod legitimæ nuptiæ non fuerint l. 31. ff. de donat.

Non credebant veteres Romani, esse è dignitate sua, ut filia senatoris libertino nuberet; quasi nimirum infames ejusmodi ac sordidæ nuptiæ, polluerent sanguinem Victorum Gentium, Dominorumque Mundi. Quid? ejusmodi rigida ac severa lex, quamquamne præter nobilem & honestam simul obligabat? Ita profecto est: neque enim eas respiciebat formula, quæ turpem & indecoram vitam vivebant, splendoremque illum gentilitium maculabant nefariis & inhonestis moribus, sed illas tantum, quæ decenter, pie, casteq; degebant. *Quare senatoris filia, ait Paulus l. 47. ff. de ritu nupt. quæ corpore quæstum, vel artem ludricam facit, aut judicio publico damnata est, impune libertino nubit.*

Permittebatur Romæ, tam ob multitudinem periclitan-

clitantium, quam ne iusta matrimonia sollicitarentur, habere in prædiis lupanaria, prostituere puellas, nemini dominorum hoc irrogante infamiam. Hoc tantum cavebatur, *ne quis reciperetur à lenone, nisi postquam licentiam stupri, apud Ediles vulgaverat; more inter veteres recepto, qui satis pœnarum adversum impudicas, in ipsa professione flagitii, credebant Tacit. an 2. 58.* quare hoc peracto, non ancilla tantum, verum & domina, verum & ipsa Augusta teste *Juvenal. sat. 6.*

- - - Comite ancillâ non amplius unâ,  
Et nigrum flavo crinem abscondente galero,  
Intrabat calidum veteri centone lupanar,  
Et cellam vacuum atque suam.

At non tulit populus R. vagam ejusmodi & enormem licentiam, ubi primum reprimendi flagitii locus fuit, cavique Tiberius *apud Tacitum 2. Annal. 85.* *ne quæstum corpore faceret, cui avus, aut pater, aut maritus Eques Romanus fuerat, obscurioribus integrâ manente licentiâ scortandi.*

Eccui civium, modo sanæ mentis sit, nec intendit quippiam in fraudem legis, non ita permittitur rerum suarum administratio, ut emere, vendere res, quæ sunt in commercio, aliosque juris gentium contractus inire possit? Atqui hoc communi civium jure uti aliquando prohibetur provinciæ præses, alique in officio & magistratu positi *ff. de Contr. Empt.* ne videlicet quis metu & reverentiâ alienare quid cogatur, præter voluntatem; aut ipsi, qui honores gerunt, nimio studio continuandi patrimonium teneantur, in præjudicium boni publici.

Nihil ergo novi statuit lex nostra, nihil aliud jubet, quam cum dignitate personæ, crescere quoque delicta, minusque libertatis esse in illustri & splendida vita, quam ignobili & obscura, adeoque ut sanctâ venerabilemque merito retinemus, & in foro, vitæque communem observamus.

# COROLLARIA RESPONDENTIS.

I. *Respublica sunt vel simplices vel compositae.*

II. *Simplices sunt vel regulares vel irregulares.*

III. *Regulares sunt Monarchia, Aristocratia & Democratia, nec admisto divisionem Aristotelis qui contraria sive vitia harum Rerumpublicarum peculiare vult species, quia vitia Imperantium aut parentium, sive pravitas legum peculiarem speciem non constituit.*

IV. *Irregulares sunt qui ad neutrum harum classium quadrant, quarum propter varietatem occurrentem neque certus iniri numerus neque certa constitui species queunt.*

V. *Ad compositas referunt mixtas quae pro diversitate conjunctionis & mixtura nomen sortiuntur.*

VI. *In genere autem Aristoteli definitur, quod sit Respublica ubi duae vel plures Respublicae in unam coalescunt, ut partim insint partim non.*

VII. *Nostrium igitur Imperium Germanicum neque Monarchicum neque mixtum sed irregulare esse censeo.*

VIII. *Malè quoque, nisi saltem titulus tenus vocatur Romano Germanicum quia neque formam illius neque materiam habet.*

IX. *Contrarium quidem affirmare conatur Reinking. ex vaticinio Danielis, quod autem magis fama quam veri habet.*

X. *Electores & Status Imperii plus valent in suis territoriis quam Imperator in Imperio.*

XI. *Nec Principes nostri ex Magistratibus, sed vetustissimis veterum Gentium Regulis, aut primariis familiis orti, nec unquam fuerunt subacti nec ditiones in provincia formae redactae, sed potius in fidem susceptae.*

XII. *Licet etiam Electores & Principes nostri adhuc dicantur Vasalli Ligii. e qui Imperio contra omnes opem debent, nihilo tamen minus illis non solum Regibus comparantur sed etiam ab iis fratres saluantur. Hi verò ius Legatos mittendi primi ordinis (quod alias summi principis) cum illis habent commune ius tamen regendi coram Regibus Christianissimis ipsis nondum concessit.*

XIII. *Legatus autem in genere est, qui mandati tabulas publico nomine habet atque incolumitate fruitur, quam illi ius gentium ex rationis naturalis dictato concessit.*

XIV. *Qui*



*XIV. Qui variè dividuntur & subdividuntur. 1. vel ratione intrinseca potestatis, vel adjectitii honoris.*

*XV. Priori modo vel ad certas solennes ceremonias vel ad aliud certum negotium dantur. Hi vel plenam vel minùs plenam habent tractandi potestatem, qui plenam, mandatum habent cum liberà ac Plegipotentiaris vocantur.*

*XVI. Cum adjectitio honore distinguuntur in ministros publico nomine missos & sunt vel Legati in specie ita dicti vel ablegati (Gallis vocantur Ambassadeurs & Envoyés)*

*XVII. Suntque vel Ordinarii vel Extraordinarii illi sunt qui nec ad certum tempus nec ad certum negotium, hi verò qui ob certam causam alicubi mittuntur.*

*XIX. Sub appellatione ablegatorum ordinariorum sapè intelliguntur Residentes.*

*XIX. Agens autem quia non habet literas credentiales sed saltem recommendatitias non inter ministros numeratur.*

*XX. Ultimò distinguuntur in commissarios & deputatos.*

*XXI. Illi sunt ministri qui jurisdictionem ejus à quo missi sunt non possunt egredi. Hi verò qui ad conventus publicos vel à Conventu publico mittuntur.*

*XXII. Patet igitur ex his Legatos hùc negociandi causa missos neque Legatorum in specie sic dictorum, neque Ablegatorum sed Deputatorum appellatione venire.*

**Q**uid labor, ars, virtus, mores quid denique præstent  
 BERGHOFFERE sagax cognitione tenes;  
 Felix ! dum PATRIS DEFUNCTI JUSSA securus;  
 Felix ! dum MATRIS VOTA PRECESQUE facis;  
 Conamen TUA TOTA DOMUS laudabile laudat,  
 Cum voto, UT CRESCAT GLORIA. LAUSQUE TUA.  
*Ita Nobilissimo Dn. Affini suo cursim gratulatur*  
 CONRAD. FRANK J. U. D. Consil. Hall, & Judicii Aul. Assess. Ordin.

**A** Rebus in cunctis usus valet, atque Magister  
 Solus is in studiis optimus esse solet.  
 Non facis est etenim pervolvere sæpe legendo,  
 Auctorum varios nocte dieque libros.  
 Ni quoque, quæ solerti animo qui legit, ad usum  
 Transferat, & doctis auribus illa probeat.  
 Hoc COGNATÈ facis : versare volumina juris  
 Hactenus assidue cura laborque tuit.

Gratulor

Gratulor hisce Tuis, *oppis*: sic pergitur cursu  
 Intrepido: spondet *strida* ferta THEMIS.  
 Sic super *astra* vehet *rapidis* Te FAMA quadrigis;  
 Sic THEMIS ipsa Tibi *præmia* digna dabit.  
 Commoda multa feres PATRIÆ prodeisse TUISQUE  
 Sic poteris Tibi quod, dulcis AMICE, precor.  
*Ita gratulatur Cognato, Amico ac Comensali suo honoratissimo*  
 JOH. HENR. Kleinschmitt/ Jur. ac Phil. Pract. Profess.

Was von den Helden sproßt / bleibe nicht an Erden kleben/  
 Was Tugend mit sich fähret beweiset ihren Trieb/  
 Er hat sich vorgesezt / nach Ehr und Ruhm zu streben/  
 Das lehret dieses Werk von der verbotenen Lieb.  
 Mit diesen wenigen wolte seinem Hertzlichen Freunde aufwarten  
 Hans Ludw. von Baumbach.

Wer läßt Er sich entblößt mein Freund ins Herze schauen/  
 Und keller was Er liebt ans helle Tageslicht:  
 Er lehrt wie weit man könn der Luft als Luft vertrauen  
 Und wenn uns das Gesez von Ebruch strafflos spricht.  
 Sein Thun ist lobens wehr: Die Schuld besteht im Lieben/  
 Worauff ja die Natur nicht Straff gesezt hat:  
 Es pfleget solches zwar die Männer zu betrüben/  
 Doch also werde nicht belohnt sein guter Rache.  
 Dieses sehet aus Ehrlich und Glückwünschendem Gemüthe  
 H. G. von Heßberg.

Non mæchaberis. *Hoc Amico suo memoria causa apposuit*  
 Raab Bernd Einsk von Dalswig.

Non opus eulogiis, ut multis paginam adornem,  
 Cum studium laudes has cumulare queat,  
 Præsentem quodd discursum molimine iusto,  
 BERGHOFFER præstes, OPTIMA JURA docens.  
 Isti Proposito Numen benedicat ab alto,  
 Initiatu est folio mentem animamque TUAM,  
 In Themidos postquam sic concertaveris armis:  
 Pro tantis operis digna brabeia feres.  
*Ita Præstantissimo DN. Cognato suo plurimum colendo ex animo gratulatur*  
 JOHANN. Frank.

Tu quoties cathedram scandisti sæpe notavi;  
 Ascendis rursus non sine laude rua.  
 Mæchus, quid? Non Mæchus ais sum, nec volo jura.  
 (Quod prægrande nefas) lædere sacra tori;  
 Nec quod turpe, meret laudum præconia, Sed quid?  
 Hem lepidum factum! perge, faveque, Vale.  
*Sic Præstantissimo DN. Respondenti animatus gratulari voluit ac debuit*  
 Conrad Adam Müller.